

KANTIK J. V. TRONOEN

TON : Introun Varia Rumengol.

1.

Savomp hor c'halon kristenien
 Ha kanomp holl a vouez hor penn,
 Evit enori ha pedi
 Ar Werc'hez gloriüs Vari.

DISKAN :

*Introun Varia Tronoan,
 Rouanez vat parrez Sant-Yann,
 Plijet selaou eus barr en nenv
 Pedenn war gân ho pugale.*



2.

O Gwerc'hez sakr, hon tadou koz
 A garie goulén ho pennoz
 Ha setu savet tost d'ar mor,
 Eur japel goant en hoc'h enor.

3.

Demdost, war eur groaz astennet
 Jesus a zeblant lavaret :
 « Va Mamm zo aze er japel
 Kit 'ta da c'houlén he skoazel. »

4.

Hag e teuent a vandennou
 Da ginnig deoc'h o fedennou,
 Dirak ar skeuden zo enni,
 Kaer hirio c'hoaz en he c'hozni.

5.

Ha dezo, Gwerc'hez c'houi ranne
 Grasou d'ar c'horf ha d'an ene
 D'ar yaouankiz, d'an dud en oad
 D'an den a vor, d'ar c'houeriad.

6.

Setu ni deut ivez d'hon tro
 D'ober dirazoc'h evel do,
 Hor peden da c'houlen Gwerc'hez,
 Ho pennoz leun a drugarez.

7.

Ho pennoz deomp, bras ha bihan
 Ma c'hellimp holl ha peb unan
 Ober hon treuz en draonien-ma
 'N eur garet Doue dreist peb tra.

8.

Ho pennoz Rouanez Arvor,
 Dreist holl d'hon tud a vez war vor
 Dre bep seurt amzezh o poania
 Da c'hounit deomp hon tamm bara.

9.

Ah ! pa vo gant an avel foll
 O bag e tro da vont da goll,
 Astennit dezo, ni ho ped
 Ho tourn madelezes meurbet.

10.

Gwechall war lenn Jenezareth
 Ho Mab, hor Zalver benniget
 A ouie lakad da devel
 Ar gwasa barradou avel.

11.

Ganeoc'h en deuz lezet brema
 Galloud ar burzudou kaera,
 Beillit d'ho tro Mamm a druez
 War o yec'hed hag o buhez.

12.

Hag holl dud Sant Yann Trolimon
 A viro deoc'h en o c'halon
 Ho plas a vamm, en eur gana
 Bennoz d'an Introun Varia.

A. C.